

## **O vaega uma e tatau ona e silafia e uiga i**

### **Aoga Amata a le Kidsfirst Kindergartens.**

#### **E mafai ona amata tamaiti i le 2 tausaga?**

loe, e mafai ona ao'oga tamaiti e amata mai i le 2 tausaga pe a o i ai ni avanoa i le aoga o le a e filifiliina. Ua mautu uma vaega e fa'aaoga mo le sui'ina o le fanau, fesoasoani mo le fa'amasani i le fa'aaogaina o le faleuila. O lo o ua iai foi se nofoaga faapitoa pe a manaomia le momoe o tamaiti.

#### **E mafai ona ao'oga tamaiti i lalo ifo o le 2 tausaga?**

O aoga amata a le Kindergarten e laisene mo tamaiti i le va o le 2-5 tausaga. Ae e lua ni aoga o loo ua laiseneina mo tamaiti 0-5 tausaga. O ia aoga o (Kidsfirst Niu i Woodham Rd ma Kidsfirst Diamond Harbour).

#### **E mafai ona ao'oga tamaiti o loo fa'ataitai ma fa'amasani i le fa'aogaina o le faleuila?**

loe, o loo ua mautu mea uma mo le sui'ina o le fanau, aumai ni lavalava ma napekini e sui ai. O ni avanoa lelei foi ia e galulue fa'atasi ai matua ma faiaoga e fesoasoani i le fanau ao fa'ataitai ma faamasani i le fa'aaogaina o le faleuila.

#### **E mafai ona ao'oga pea tamaiti i le kindergarten pe a fai ua atoa le 5 tausaga?**

loe, e mafai ona ao'oga pea tamaiti i le kindergarten seia atoa le 6 tausaga. O le tele o tamaiti e amata ona ao'oga i le 5 tausaga ae o nisi foi ua filifili e nonofo pea i le kindergarten. Talanoa i le faiaoga pule po o le a le tulaga e talafeagai lelei mo oe ma si ou alo.

#### **O iai se avanoa i le taimi nei?**

O le tele o kindergarten e mafai ona amata vave tamaiti pe a fai o i ai se avanoa. Ae o nisi o aoga e mafai ona e fa'atali, o le tele o taimi e iai tamaiti e o atu i aoga tulagalua pe a atoa le 5 ona maua ai lea o avanoa. E mafai ona feso'ota'i mai matou i le 0800 454 373 pe imeli mai foi [betterbecause@kidsfirst.org.nz](mailto:betterbecause@kidsfirst.org.nz), mo nisi faamatalaga kiliki iinei e fa'atumu ai le pepa lesitala muamua ma tu'u ai i le lisi fa'atalitali i le taimi nei-pe fesili foi i le faiaoga ulu i le aso nei!

#### **O le ā le umi ou te fa'atali ai mo se avanoa?**

O le ā feso'ota'i atu le faiaoga ulu ia te oe ao e i ai i le lisi fa'atalitali - ma e mafai foi ona e vili i ai soo se taimi. O le taimi lava e maua ai se avanoa o le a matou fa'ailoa atu ia te oe. E fesoasoani tele mo i matou pe a mafai ona fetu'unai itula ma aso – ina ia mafai ai ona amata lau tama ma fa'asolosolo atu ai i itula ma aso o lo o e manaomia.

#### **E fia le tau e ao'oga ai tamaiti i le kindergarten?**

Tamaiti 3 - 5 tausaga o loo iai le 20 ECE itula –e ao'oga fua ai (itula e fa'atupeina e le malo). E tatau ona e fa'ailoa mai pe a fai o lo o fa'aaogaina nei itula i se i si aoga amata.

**Tamaiti 2-3** tausaga o le a ofoina atu foi i ai le 20 itula e leai se totogi, e fa'atupeina lea e le Kidsfirst. O mātua o tamaiti tai 2 tausaga o le a tatau ona faia se feutanaiga – e fa'apea e atoa loa le 3 tausaga o a latou fanau, o latou 20 itula o loo faatupeina e le malo, o le a fa'aaogaina uma i le auunaga a le Kidsfirst.

Tamaiti 2 - 5 tausaga e ao'oga e silia atu ma le 20 itula ile vaiaso e \$6 ile itula, pe a ova atu ma le 20 itula i le vaiaso e ao'oga ai.

Tamaiti e i lalo ifo o le 2 tausaga e \$6 ile itula mo itula uma o lo o ao'oga ai.

E ona mafai ona e mauaina le fesoasoani mai le WINZ mo le vaaiga o tamaiti. E mafai ona e siakiina pe e te agavaa i luga o upega tafailagi i le <https://www.workandincome.govt.nz/products/a-z-benefits/childcare-subsidy.html>

E mafai ona e mauaina se kopi o pili ma faiga faavae iinei, pe fesili i le faiaoga ulu mo se kopi.

Mai lea taimi i lea taimi, o nisi o aoga, o lo o ua matou tu'uina atu i ai ni aiaiga fa'apitoa. Fesili mai ia matou i le kindergarten o lo o e fa'aaogaina i le 0800 454373 pe imeli mai ia matou i le [betterbecause@kidsfirst.org.nz](mailto:betterbecause@kidsfirst.org.nz).

### **Ae fa'apefea pe afai o la'u tama e le o se sitiseni Niu Sila?**

E mafai ona lesitala ma fa'aulu lau tama tusa lava pe o le a le tulaga o femalagaiga, ma o le 20 itula e leai se totogi e mo tamaiti uma lava. O nisi e mafai ona fa'aaogaina ni aiaiga faapitoa.

### **E iai ni pa'u faapitoa mo aiga?**

loe. O aiga e sili atu ma le tasi tamaiti o lo o ao'oga e agavaa le tamaititi lona lua mo le 10% o le pa'u faapitoa.

### **E fa'afia ona ou mauaina se pili?**

Afai o la'u tama ua 2-5 tausaga ma aoga mo le 20 itula pe itiiti ifo foi, o le a seāseā lava ona e mauaina se pili i le imeli pe lafo atu foi e tusa ai ma auala o feso'otaiga sa e faailoa mai.

Afai o la'u tama e i lalo o le 2 tausaga, pe aoga foi i le 20 itula pe sili atu foi i le vaiaso, o le a e mauaina se pili i le tai 2 vaiaso. A i ai nisi fesili e uiga i lea mataupu, e mafai ona e imeli [infocare@kidsfirst.org.nz](mailto:infocare@kidsfirst.org.nz), pe telefoni le 0800 454 373 e talanoa i a i latou o lo o vaaia lea vaega.

### **E mafai ona ou asiasi ma fa'aaluina se taimi i le aoga?**

E taliaina ma le fiafia 'oe i so o se taimi. Matou te fiafia e fesoasoani i aiga ta'itasi ina ia paleni lelei mea uma mo tagata uma ma a latou fanau, matou te fa'afeiloa'i ma le fiafia i tagata asiasi i le a'oga e fa'alautele ai le fiafia o tamaiti ma le ola a'oa'oina. O aiga e masani ona fesoasoani i malaga ese atu a le aoga, faatasi mai mo se iputi, faitauga tusi, fa'asoa atu o latou tomai ma lagona ma fa'ailoaina le taua o aoga a le fanau i lo latou auai mai. Matou te malamalama foi i luitau ma tiute tauave o matua ma le aiga- e mafai lava ona e lagolago mai i so'o se taimi e fetau lelei ma oe.

### **O a itula e tatala ai le aoga?**

E 6 itula e tatala ai le aoga i aso taitasi, ae ese'ese taimi amata e fetau lelei ma tagata o pitonuu ese'ese. O nisi aoga e amata ile 8.30am ae tu'ua i le 2.30pm, ae o i si e amata i le 8.45am po o le 9am, ae tu'ua ile 2.45pm po o le 3pm. O la matou amata a'oga i Diamond Harbour e tatalaina mo ni taimi u'umi i aso taitasi.

E mafai ona e kiliki iinei e saili aoga o loo latalata ia oe ma siaki o latou taimi amata - pe asiasi foi i la matou upega tafa'ilagi [www.kidsfirst.co.nz](http://www.kidsfirst.co.nz).

### **E mafai ona ou filifiliina itula e fetau mo au?**

O lo'o ofoina atu e le aoga le aso atoa o le 6 itula, po'o le tele lava o taimi o le auai mai lea i le taeao – e masani lava o le 4 itula.

Ae paga lea e le mafai ona matou ofoina atu ni taimi amata ma ni taimi tu'ua i ni taimi o le aso, e tatau ona aoga mo le taimi o le taeao, 4 itula po'o le aso atoa, 6 itula.

Matou te mana'omia ma fa'atauaina tele le momoli'ina mai o le fanau ma le pikina i taimi ua fa'atulagaina.

### **E mafai ona ou filifilia aso e featui mo au?**

loe! Matou te fautuaina le amata i le lē itiiti ifo i le 2 aso (pe a maua) ma fa'asolosolo atu ai i le 5 aso ao fa'amasani si au tama.

O le a avea lea taimi mo faia'oga e fa'amasani atili ai ia te oe ma lau tama, mo lau tama e fa'amasani ma fa'auo atu i nisi tamaiti, ma lagolago atu ai i lo latou ola a'oa'oina i vaiaso ta'itasi.

### **E mafai ona i ai ni aso e malolo ai mai le aoga? Pe totogi mo aso e le ao'oga ai?**

E le totogi'ina ni pili i tami e tapunia ai le aoga i vaitu'uaga mo malologa a aoga. O le a i ai se pili e totogi pe a toesea lau tama mo ma'i ma taimi e o ai ni tafaoga fa'a le aiga.

E mafai ona e mauaina se kopi o matou pili fa'avae iinei, pe fesili i le faiaoga ulu mo se kopi.

### **E mafai ona ou vave pikiina la'u tama?**

Mai lea taimi i lea taimi e alaga tatau ai - matou te malamalama i lea tulaga. O lo'o galueaina le Kindergarten i le aso atoa po o ni taimi o le taeao e 4 itula. O le taimi amata ma le taimi tu'ua e fuafua agai i ai le fa'agaioiga o le a'oga.

### **E tatala le aoga i tu'uaga o aoga?**

O le tele o a matou aoga, ma aoga amata e tatalaina i le vaitaimi o kuata fa'aleaoga e 3 i le ogatotonu o le tausaga. Afai e lē tatalaina le aoga o loo e i ai, e mafai ona matou ofoina atu ia te oe avanoa i se isi aoga mo le vaitaimi o le tu'uaga o aoga. Fesili mai ia matou [betterbecause@kidsfirst.org.nz](mailto:betterbecause@kidsfirst.org.nz), pe telefoni le 0800 454 373.

### **E ao'oga le to'atele o tamaiti i aoga tulagalua a le pitonuu?**

Matou te galulue fa'atasi ma a'oga tulaga lua i pitonuu eseese ina ia solosolo lelei suiga o le sauniuni atu o tamaiti i aoga tulagalua, ina ia fa'afaigofie mea uma mo le aiga atoa pe a o'o mai taimi e amata ai le tamaititi i le a'oga. O le toatele lava o tamaiti e fa'aauau pea a latou a'oa'oga i pitonuu o lo'o nonofo ai.

### **E to'afia faia'oga o lo'o i ai i le a'oga amata?**

Mo tamaiti i luga atu o le 2 tausaga, o la matou faatatau faatulagaina e **1** le faiaoga agavaa i tamaiti e **10** e pei ona fa'atulagaina mai e le Matagaluega o A'oga.

Mo tamaiti i lalo ifo o le 2 tausaga, o la matou fa'atatau faatulagaina e **1** le faiaoga agavaa mo tamaiti e **4**, e maualalo ifo nai lo le mana'oga faatulagaina a le Matagaluega o A'oga.

### **E i ai ni taimi e potopoto fa'atasi ai tamaiti?**

Matou te talitonu i le taua o le fa'aauau o le ta'aalo a tamaiti e leai se fa'alavelaveina. I lo'u siosiomaga, o lo o e va'aia le pisi o tamaiti i le ta'aalo fa'atasi ma isi, faia ni filifiliga mo ta'aloga e feso'otai ai latou ma isi tagata, o nofoaga ma mea o lo tatou siosiomaga ma fa'alapotopotoga-ma lagolagoina ai lo latou ola aoaoina e le vasega o faiaoga ua agavaa lelei. E masani ona matou potopoto fa'atasi mo fa'amatalaga, faitau ga tusi ma tala, pesepesega, ma taimi fa'ailogaina fa'apitoa ma matua ma aiga.

## **O le a se mea o le ā a'oa'oina mai e la'u tama?**

O aoga a le kindergarten, aoga amata ma aoga fa'ataitai e mulimulitai i le taiala mo Aoga Amata i Niu Sila. **“Te Whāriki”**, o lo o fa'amalosia ai le taua o aoga amata ma fa'ata'atitia ai ni faavae maumaututu mo fa'amanuiga i taimi o lumanai. O lo o fuafuaina ma polokalameina e faiaoga polokalame i le siosiomaga o tamaiti, ma fa'anaunauga o matua mo a latou fanau. O lo o faapea foi ona faamalosia tamaiti e fai so latou sao i fuafuaga ma polokalame, ina ia latou iloa ma lagona ai o latou sa tapenaina le polokalame ma o lo o fa'atauaina o latou leo.

### **I le Kidsfirst, o le ā a'oa'o e lau tama mea nei:**

- Faia ni tiute ma faia ni filifiliga
- Fa'ata'ita'i le fefa'asoa'i ma le galulue fa'atasi ma isi
- Tumau ma finau, aua le fiu gofie
- Feso'otai ma atia'e so'otaga ma tagata matutua ma isi tamaiti
- la mausalī pea le finau ma le filemu pe a lē fetauī galuega o lo o faatino
- la tutoatasi ma lē fefe e fesili mo se fesoasoani
- Atiaeina le tomā e pulea ai lona loto
- Amata ona a'oa'o e tusitusi e ala i tusitusiga ma valivaliga.
- Atiaeina le fia iloa ma atia'e tomā su'esu'e e ala i le fia iloa atili
- Atiaeina malamalama'aga i le va'aia fa'alelei o le siosiomaga
- Atiaeina o latou malamalama'aga i aga ma feso'otaiga e ala i le aga'alofa ma le fa'aaloalo
- la fiafia e fau, fatufatu ma fai ni mea fou
- Sailiili - i le aoga ma le fa'alapotopotoga o i ai
- Foia fa'afitauli
- la fiafia e fa'a'iloa tu ma aga o lana aganuu ma le mautinoa
- Fai fesili e uiga i lo latou siosiomaga, fesoasoani ia i latou ina ia malamalama atili i ai

### **O le a fiafia lau tama i le tele o a'oa'oga eseese ma le poto masani e aofia ai:**

- Tala faatino
- Paso, poloka, fausaga ma fa'akamuta
- Fa'anatura, fa'asaienisi, suesuega ma sailiiliga
- Fa'aaogaina o le oneone ma le vai i ta'aloga ma aoaoga
- Ta'aloga e suesue ma fia'iloa atili
- Ta'aloga i fafo e fa'aaoga ai le fa'agaioiga o le tino
- Tusi faitau, tala ma le fa'aaogaina o puppet
- Faiga o musika, siva ma pese
- Atinaeina o gagana ma feso'otaiga e ala i talanoaga ma fetufa'aiga
- O le tele o mea ese'ese e fausiaina ai ni mea fou ma fa'aaogaina i valivaliga, ata, paluga falaomata ma le gaosigaina o mea-ai.

E mafai ona e mauaina nisi fa'amatalaga faapitoa e tulaga ese ai le aoga o lo o i lou pitonuu kiliki iinei, pe asiasi i la matou upega tafa'ilagi [www.kidsfirst.co.nz](http://www.kidsfirst.co.nz)

### **E fa'afefea ona ou va'aia le gasologa o le a'oa'oina o la'u tama?**

O le a i ai se api fa'apitoa mo lau tama pe a amata lana a'oga. O le a i ai ni tala tusitusia e uiga i le ola aoaoina o lau tama i le aoga ma mea o tutupu i le aoga, o ia fa'amaumauga o le a tu'u faatasia uma i totonu o le api a lau tama, ma e mafai ona e va'avaai i ai i soo se taimi. E mafai foi ona ave i le fale mai lea taimi i lea taimi e matamata ma fefa'asoa'i ai lou aiga.

O le api lena a lau tama, ae o matou aoga fa'ata'ita'i ma aoga amata o loo fa'aaogaina le polokalame e taua o le EDUCA - o se auala saogalemu lea e feso'otai ai oe i a'oa'oga a lau tama. O le a tu'uina e faiaoga tala o le ola aoaoina a lau tama i luga ole EDUCA ona maua sao lea i lau telefoni po'o masini fa'aonapo nei. O oe ma lou aiga e mafai ona fa'asoa mai o outou manatu ma moe mitiga e atia'e ane ai le ola a'oa'oina o lau tama. O le a fa'ailoa atu e le ulu aoga nei mea uma ia te oe pe a lesitalaina ma fa'aulu mai lou alo.

## **Sauniuniga mo le amataina ai i le i le aoga amata**

Ua mae'a le lesitala ma le fa'auluina o lou alo, ua i ai foi le aso e amata ai le aoga a si au tama, o se suiga fou i lona olaga. O nisi nei o fa'amatalaga e sauniuni ai mo le aso muamua o si au tama i le aoga.

### **E mafai ona ou asiasi ae le'i amataina la'u tama ile a'oga?**

loe! E taliaina ma le fiafia i soo se taimi! Matou te fautuaina, ia le i lalo ifo ile 2 asiasiga a lau tama e fesoasoani ai i nei suiga ae lei amataina lana aoga. Talanoa i le faiaoga ulu, e uiga i taimi e talafeagai mo asiasiga, ae avea foi lea taimi e fesoasoani ai i faiaoga e malamalama atili ai i lau tama.

### **O a ni mea e tatau ona iloa e faiaoga e uiga i la'u tama?**

Mea e pei:

- Fa'aaogaina o ni upu fa'apitoa ma auala e feso'ota'i ai
- Auala fa'apitoa e fa'amafanafanaina ai
- Taimi masani e moe ai- pe fa'apefea ona moe pe a fia moe (pe a mana'omia)
- Taimi masani e alu ai ile faleuila
- O mea'ai e fiafia i ai ma mea'ai mo mana'oga faapitoa
- Soifuaga ma aiga - mea taua e ono tutupu po'o nisi mea e ono fa'anoanoa ai latou
- E i ai ni mana'oga faapitoa mo aoaoga, po'o se auunaga faapitoa o lo o latou mauaina ma galulue faatasi m o le taimi nei.

### **E mafai ona ou nofo i le aso muamua?**

loe! E talia ma le fiafia oe iinei. A e taunu'u, fesili i le faiaoga ulu e uiga i le pepa e saina pe a taunu'u, fesoasoani i lau tama e tatau lana ato aoga ma ave lana pusa mea'ai i le mea e tu'u ai.

- Fa'amalosi i lau tama ia faatasi atu i ni galuega fa'atino o loo fai
- la va'ava'ai i mea lelei mo le aso o lumanai po o taeao
- la fa'aavanoa lelei ni ou taimi e fa'amasani ai lau tama i le aoga
- la faia se faiga faamasani pe a e alu, e pei o le faitauina faatasi o se tala po'o le talotalo o le tasi i le isi
- E matua taua lava ona e ta'uina i lau tama pe a e alu, fa'atofa ma faamavae i ai ona e alu ai lea. Afai e te popole, e mafai ona e telefoni mai i taimi uma, a le o lena foi o le a feso'otai atu oe e faiaoga pe a mana'omia. O uiga masani lava nei mo tamaiti e i ai si popole i le taimi muamua o le amataina o aoaoga!

### **E vili mai a'u e faiaoga pe a lē malosi la'u tama pe afaina foi?**

A lē malosi lou alo, o le a feso'otai atu oe e faiaoga e te sau e ave atu lau tama i le fale. O se itu taua tele lea o le i ai o se isi fuafuaga pe a fai e le mafai ona e pikiina lou alo i se taimi vave. Ia e mautinoa e mafai e le tagata o loo e tu'uina mo tulaga fa'afuasei e mafai ona fesoasoani pe a mana'omia. Ia taofia lau tama i le fale seia malosi lelei ma fa'aititia ai le fa'asalalauina o ma'i.

A fa'apea o lo'o afaina lau tama i le a'oga amata, o le a apalaiina e faiaoga fesoasoani muamua (first aid) pe a mana'omia. Afai e mana'omia nisi togafitiga mo le manua, o le a

vave ona feso'otai atu oe ma sailia le fesoasoani o lo'o mana'omia. O le a fa'ailoa ma lipotia atu ia te oe ni manua, maosia poo nisi afaina i le tu'ua ai o le aoga. O le vasega o a matou faiaoga e lelei tele i le toe fa'afiafiaina o tamaiti e ala lea i le fusi ma fa'amalosi, ae o le tele lava o taimi e vave lava ona toe foi tamaiti e fa'aauau le ta'alo!

### **O a mea ou te aumaia?**

- O se fagu inu ua tusia ai le igoa o lau tama.
- O se pulou mo le la - po'o se pulou mafanafana i le tau malulu. Fa'amolemole e tusi le igoa o lau tama i ona lavalava
- O ni lavalava e sui ai ma se ato mo lavalava ua palapala
- Ofu mafanafana ma gumboots i le tau malulu - matou te ta'aalo i fafo i le tausaga atoa!
- Mea'ai - siaki i faiaoga e uiga i ituaiga mea'ai o loo fa'atauaina mo mea ai a tamaiti ao i ai i le aoga
- O ni napekini fa'aleoleo ma ni pepa solo
- O se ato e tu'u uma ai mea ia ua tusia ai le igoa o lau tama

### **O a taimi e 'ai ai la'u tama?**

O le tele o matou aoga amata e tu'u i le faitalia o le tamaititi "rolling kai". O lona uiga, o le a va'ava'aia lelei tamaiti e a'ai pe a fia a'ai nai lo se taimi ua atofaina - ma e lagolagoina foi latou ina ia latou aoaoina i le va'aiga o a latou mea'ai faavai-aiga o le taeao ma le aoauli. Afai e pisi tele lau tama ma galo ai ona 'ai, o le a matou fa'amanatu ma fa'amalosi ia te ia ina ia taofi le ta'alo ae fai sana mea'ai.

E i ai taimi matou te a'ai fa'atasi ai-e nonofo fa'atasi ma fefa'asoa'ai ma a'ai fa'atasi. E masani ona fefa'asoa'ai fualaau aina i vai aiga o le taeao ma le aoauli

### **O a mea'ai e mafai/aumai e tamaiti?**

Matou te fa'amalosia aiga ina ia tu'ufa'atasi ni mea'ai maloloina mo a latou fanau - o mea'ai masani, fuala'au aina ma fuala'au faisua o le a maua ai le malosi latou te mana'omia mo latou tino ao pisi e fa'atino a latou taaloga i lea aso ma lea aso. Talanoa mai ia matou mo nisi metotia mo mea'ai maloloina - e mafai foi ona va'ava'ai i mea'ai e aumai e isi tamaiti.

Fa'amolemole e talanoa i le faiaoga ulu e uiga i mea'ai fa'apitoa pe o ni mea ai e ono afaina ai le ola o lau tama.

### **Tou te lagolagoina le fa'amasani o la'u tama i le fa'aaogaina o le faleuila?**

Talanoa ma fa'asoa mai po o fa'afefea ona fa'atautaia e lau tama le fa'amasani i le fa'aaogaina o le faleuila. Matou te fialia tele e fesoasoani atu ma fai ni fuafuaga faatasi ma oe i le lagolagoina o le alualu i luma o lau tama a'o i ai i le kindy.

### **O le a saogalemu la'u tama/fialia/ma fai mea fialia ma maua ni ana uo?**

Ta'alo fialia, fiailoa ma sutesuega, fatufatuga ma sailiiliga o nisi nei o auala o lo o fa'atauaina i le Kidsfirst - o le ola a'oa'oina e manaia, lelei ma malie! O lo o fa'aalia le agaga mitamita ma le agaga maualuga o le vasega o a matou faiaoga agava'a ma i ai tomai faapitoa i le aoaoina o le fanau e saunia ai ni polokalame e fa'amalosia ma fa'aosofia ai lagona o le fia auai o le fanau. Matou te faia lenei vaega e ala lea i le fa'amalosiina o fanau e fa'aali le agaga o le Manaakitanga - fetausiai o le tasi i le isi, fa'aaloalo, lagolagoina o le fanau e nonofo fealofani ma galulue faatasi ma isi, ma fausia ma tausia ni so'otaga valalata. O tamaiti e ao'oga i le kindy e masani lava ona fa'aauau ia so'otaga valalata ma faiga uo i le olaga atoa!

## **O a tulaga e ese mai ai le Kindergarten?**

- **O lau tama e ave i ai la matou fa'amuamua.** Sa matou fuafuaina ma le totoa le maualuga o le numera fa'atulagaina mo a matou aoga fa'ataitai ma aoga amata ina ia mafai ai ona matou iloa atili ma faamasani lelei i tamaiti uma. E to'amalie ma filemu taimi e fai ai aoaoga mo tamaiti aua ua fuafua tatau galuega o le aso mo tamaiti, ae le mo faiaoga.
- **E talia ma le fiafia oe i soo se taimi!** O so'otaga ma feso'otaiga o sini autu ia mo i matou. E iloa ma lelei so'otaga a faiaoga, tamaiti uma ma o latou aiga, o ia feso'otaiga lelei ua mafai ai ona fausia ni polokalame fa'alea'oa'oga e fa'atatau i le mana'oga o le tamaitiiti ma moemitiga ma fa'amoemoega a o latou aiga, ina ia mafai ai ona lagolagoina tamaiti uma lava ia fa'atunu'uina manaoga o loo fa'ananau i ai.
- **O a matou faiaoga latou te faia ni suiga fou ma lelei!** Matou te ofoina atu ni polokalame mo aoga amata e saunia lea e faiaoga e 100% le tomā, agavaa, ma ua lesitalaina - ma avanoa e fa'aaogaina ai punaoa a se tasi o fa'alapotopotoga tele i Niu Sila o lo o i ai le poto masani mo le fa'atauaina o aoga amata o le – Kidsfirst/Faamuamua Tamaiti!. O lo o lagolagoina a matou faiaoga i ni polokalame faapitoa ma le maoae i le lalolagi mo le fa'ateleina o le tomā ma le agavaa ia mautinoa ai o lo o latou faia se auaunaga sili mo a tatou fanau.
- **Matou te talitonu i le taua o aiga.** I totonu o aiga e le mafai ona tu'u ese'eseina tamaiti ona o le ese'ese o tausaga, o loo faapena foi ona matou le tu'uese'eseina tamaiti i le aoga amata. Matou te talitonu o tamaiti e ese'ese tausaga e mafai ona galulue fa'atasi ma a'oa'o mai le isi i le isi (Ako), latou te mauaina ia avanoa e fai ai fa'ataitai ma a'oa'o le agaalofa, agalelei, fefa'asoa'aiga ma feso'ota'iga. O ni mafutaga e umi ma tumau sa amataina i le aoga amata-o latou aiga fa'a le aoga amata po'o le aiga fa'a le kindergaten.
- **O siosiomaga i le aoga e tetele, fa'anatura ma lanu lauava** – o fanua lanu lauava o ni siosiomaga lelei ia mo tamaiti e fa'afiafiaina ai latou ma mafai ai ona fesootai i mea fa'a le natura. O avanoa ma nofoaga ua saunia mo ta'alogā a tamaiti, e lu'itau ai o latou agava'a i le fa'aaogaina o latou itutino ma le fa'aete'ete, ma iloa ai le mea e saogalemu ma fetui mo lo latou malosiaga. O ni nofoaga saogalemu ma le filemu, nofoaga e mafaufau loloto ai ma nisi lava avanoa ua saunia mo tamaiti e fa'aali ma faailo mai ai lo latou olaga suesue ma le fia iloa. O nei nofoaga e lanu lauava, o lo o ua atagia mai ai foi le fa'atauaina ma le taua o le va fealoai ma tagata Maori, o lo o totoina ai foi ni fa'atoaga o fuala'au fai sua ma fuala'au aina se tele ma ese'ese.
- **O le Kidsfirst po o le 'Fa'amuamua Tamaiti' e umia saoloto e Niu Sila-ma e lē o galulue mo ni tupe maua,** o tupe o loo fa'atupeina ai e fa'aaogaina mo aoga amata ma nu'u tuaoi. Matou te mitamita i tala'aga fa'asolopito o le kindergaten i le lagolagoina o tatou pitonu'u ese'ese ua sili atu nei ma le 100 tausaga!